



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 24. Bonifacium post Dragutis recessum a Cæsareis recuperatum.

[urn:nbn:de:hbz:466:1-66577](#)

Sæcul. XVI.
A. C. 1553.

§. XXIV.

*Bonifacium post Dragutis recessum
a Cæsareis recuperatum.*

Thuan. l. 12. Postquam Dragutes recesserat, Polinius, seu Baro de Lagardia milite triemibus imposito Calvium contendit arcem obsessurus, qui tamen, cum Augustinus Spinola una cum viginti sex triremibus vix adventaret, mox obsidionem solvere cogebatur, quinimo Thermus quoque ad locum, quem in vicinis montibus muniverat, sese recipere fuit compulsus. Paulo post Andreas Auria, licet ferme octogesimum septimum ætatis suæ annum ageret, ad Genuensum preces summum Reipublicæ imperium acceptabat, ac cum toto exercitu suo Corsicam versus cursum dirigebat: cum autem Mense Novembri jamiam ineunte hyems ingrueret, Corsicæ promontorium secunda navigazione prætervectus, ad Sancti Florentii oppidum, quod Galli valido præsidio servabant, atque propugnaculis muniebant, classem suam appulit, locumque obsidere statuit, ad hujus consilii executionem præprimis animatus quarundam navium adventu, quæ unacum quatuor Hispanorum millibus a Philippo Caroli V. Filio submittebantur. His suppetiis, aliisque a Cosma Florentiæ Duce

Duce submissis Cæsarei præprimis Ba- **Sæc. XVI.**
 stiam recuperare decernunt, nulloque **A.C. 1553.**
 negotio illam expugnant; eoquod non-
 nisi quinquaginta Gallis, qui tamen
 fortiter restitere, munita esset: Inde
 vero totus belli impetus in S. Florentii
 oppidum vertebatur, quod quoque Galli
 anno sequenti post trimestrem obsidio-
 nem victoribus tradidere, potius ex-
 pugnati per constantiam Auriæ, qui
 nullo neque gravis sui senii, neque assi-
 duo curarum incommodo fractus obsi-
 dionem media hyeme constantissime pro-
 sequebatur.

§. XXV.

Lis inter Albertum Brandenburgicum, atque Episcopos discussa.

Ineunte hoc anno Robertus Lenoncur- *Belcar.*
 tius Cardinalis Metensis Episcopus *comm. l. 26.*
 ad suam Dioecesin reversus, magnam *n. 27.*
 sibi jurisdictionem vindicabat, instituto *Thu. l. c.*
Steid. p. 912.
 novo Senatu ex illis ferme civibus, qui
 Gallorum studiis addicti erant: Præ-
 terea Galliarum Rex die ultima Februa-
 rii epistolam ad Imperii Principes, &
 Ordines scriptam evulgabat, qua eo-
 rum animos a Cæsare alienos reddere
 fatagebat. (*) Supererat adhuc nego-
 O o 2 tium

(*) Thuanus Scriptor natione Gallus hanc
 epistolam a Rege eo fine scriptam testatur, ut
 Cæsa-